

山東通志序

儀受節鉞撫東省之踰年奉

上命輯輿地書惴惴栗栗乃屬藩  
臬監司諸君子曰國憲大者孰  
逾於茲卽無論吾輩簿書塵勞  
掌故疎闕而東省諸文士不皆  
史才事典核辭雅馴豈必一一

山東通志張序

盡懸之國門求其釐然秩然得  
卒業而無憾猶兢兢乎難之也  
於是左轄施公檄取諸郡邑乘  
閱數月始前後至集諸文士共  
厥事將告竣余以憂去雖未得  
獻之

闕下然受事已匝歲矣例有序儀

嘗謂東省志難有數端。孔子曰：吾志在春秋，是紀述之文。昉自尼山，當其時彙百二十國之寶書，考二百四十二年之行事，筆則筆削，削則削。高賢如游夏，不能贊一辭。左氏公穀氏各爲傳，與微言大義，時有所牴牾，不盡合。

故天下後世莫能繼。漢魏以下，如晏謨、酈元、伏琛、于欽之徒，或次其山川，或次其風尚，或次其生長州里，等之稗乘叢談。而今之學者又多不及晏、酈，伏于諸人，欲慨焉登壇，網羅前代之舊聞，咨詢當世之遺老，裒益多寡。

斟酌詳略。求無愧于先民。有啓于後覺。其難可知也。孔子曰。文獻足則能徵。東省兵燹頻仍。絃歌甫作。檄諸郡邑志。或以補罅。應或以續貂。應甚且漫無以文。具應而六郡百四州邑之參差。至者。僅謀野而獲舊。通志斷自

嘉靖之癸巳。已閱百四十年。世代鼎革。人事滄桑。於例爲因。可因者無幾。於時爲創。可創者莫信。有可已而不已。得正而莫正者。事不必盡與昔異。而體無敢淆。人不必盡與昔同。而義無敢濫。省裁於郡。郡裁於邑。其難可

知也。山左名區。羣賢彙生。儒俠異趣。文武殊塗。議論紛紜。學術同異。事匪一揆。勲皆各奏。迨至百年以還。甘陵之部。已分元祐之黨。弗解門戶。競張神羊。莫辨欲使隸著作之林者。義取春秋。評高月旦。索君子之微。原罪人

之過。其難可知也。禹貢青州鹽絺。鉛松怪石。管子衣履被天下。漢尚方機統。出自東土。唐宋猶然。迨自金元來。悉匪其舊矣。一望汗萊。物力幾盡。儼然師尚父。初賜履地。澤鹵人民寡之時。今按圖而稽之。不守株刺舟之見。

乎。其難可知也。是故數十年間。薦紳先生文學子衿。所徘徊瞻顧。展轉靡寧。怒焉自阻。而不敢從事於茲也。今幸承

聖天子垂太平之庥。建中和之極。損益百王。紹隆夏古。納閣臣之請。紀山川以誌其疆。紀人物以

表其績。紀政教風化文章典籍。以綜其炳炳蔚蔚之烈。余同諸君子於爽鳩大庭之墟。訂軼聞。飾新觀。以正名辨物。體國經野之役。媚于

天子。善乎吾輩所遭也。諸君子曰。是僅取具文。余拜手稽首曰。幸

矣幸矣。吾輩隸地大聖人誕跡。天下學者所歸宗。於著述則當續三傳。能取具文。則乘檣杙。瞠乎其後矣。尚何求歟。尚何求歟。嘗

康熙十三年歲次甲寅孟夏

巡撫山東等處地方督理營田

都察院右副都御史加一級照加級食俸張鳳儀撰

山東通志序

嘗攷禹貢載於虞書。職方詳於周禮。是以小史以掌邦國之志。外史以掌四方之志。此志之所由肇也。郡邑之有志。猶國之有史也。史以詳乎域中。志以紀乎一隅。歷代各相沿革。或世遠人

煙艱於稽考。或殘編斷簡。莫可信從。况當滄桑歷變。兵火頻熒。其間方輿戶口。賦役風俗。求其燦然釐定者。多所闕焉。躬逢我皇上。右文稽古。修廢舉墜。百度維新。詔示宇內。纂修各省通志。甚盛典也。余奉

簡命填撫山左。履任以來。見東土風氣凋疲。俗尚勁魯。凡所爲蠲荒恤驛。懲貪戢兵。爲民請命者。不遺心力。拮据五載。而猶恐未逮也。因念東省文獻之邦。其形勝甲於天下。泰岱鼎峙。而龜蒙鳧嶧拱揖於前。渤海巨浸。而清

濟汶沂朝宗於右。山川間氣。尼聖鍾靈。以開萬世文明之祖。羣賢侍從。代產哲人。詩書禮樂之宗。傳道德文章之磨礪。數十世以來。所謂英杰濟濟。禮教流風。思皇俊彥。不知凡幾矣。乃值兵荒洊臻之後。薪燼無傳。曷以昭

盛軌而圖治理哉。在郡邑雖有方書而繁蕪漫漶。謬訛難憑。祇遵。

功令。行檄六郡百四城。彙集舊志。藩司爲之。早夜參考。博採往聞。踵增新制。臚其天地聖賢建置。文物之宜。與夫河漕田賦風節。

山東通志

趙序

三

古蹟之要。一展卷而洞若觀火。昭然爲一省通志。余受成而裁正焉。庶幾詳簡而便覽矣。雖然。余之志更有進焉。地方之豐歉不同。疆域之剛柔互異。經權常變。所須提衡者正多。試問民風。何以有淳而無澆。人才何以有。

興而無廢。戶口賦役何以有庸。  
而無誦。澤萑何以作綢繆之圖。  
鞠凶何以爲救時之備。使僅視  
爲紙上之繪圖。傳舍之虛冊。亦  
安所稱勝其任而愉快乎。語云。  
莫爲之前。雖美弗彰。莫爲之後。  
雖盛弗傳。若後之覩斯志者。俾  
又安元元久其化。美其俗以躋  
六郡於昇平。是則余之志也。夫  
用是颺言弁端以襄

聖天子同文之治云爾。

督

康熙十七年歲次戊午冬月

巡撫山東等處地方督理營田



山東通志序

幅幘莫大於

昭代志乘莫古於山東我

皇上文德誕敷武功赫濯雕題鑿齒之國扶桑浮竹之鄉靡不入版圖稟正朔此

大清一統志之纂疆圉遼廓爲亘

山東通志 王序

一

古未有猗歟盛已通志各省

皆有書獨山東推秉禮之宗

著表海之烈尊親報政治溯

姬公賜履雄風勳開尚父他

省之建置弗若也尼山素王

師表萬世顏曾四氏道統相

承及門半出鄉邦數傳遂多

經學。易有田何。書有伏勝。詩有轅固。春秋有胡毋生。禮有高堂生。他省之人物弗若也。嶽首泰山。而徂來新甫。龜蒙。鳧繹諸山。見魯頌。水稱渤海。而沂泗汶濟九河。濰淄諸水。載禹貢。他省之山川弗若也。

山東通志王序

二

此皆已載通志。歷歷可考者。迺書成後。

聖朝應編入者。事正多。如甲子冬。皇上親詣闕里。躬行九拜。

題奎章之額。

留御仗之蓋。聖裔商賚。丁進秩有差。

聖林擴地一十一頃。

回鑿駐蹕於泉林。泗水輝生於宸藻。而且推恩元聖。廟貌聿新。施及大賢。崇祠煥采。宜恭紀者一。

東巡至於岱宗。燔柴致祭。如虞帝禮。

山東通志

三

御書普照乾坤四字。懸孔子小天。下處復書雲峯二字。勒石山巔。宜恭紀者二。

翠華所經。禮高年。問疾苦。放丁減賦。大沛甘霖。

臨幸趵突泉。觀賞移時。題曰激湍。復。

辛珍珠泉題曰清漪已巳春

皇上勤求民瘼省方載出復

幸泉上又題作霖二字並鑄碑建

亭宜恭紀者三辛未

皇上念聖廟歷年久恐漸就傾頽

特發內帑董以近臣重加葺治壬

申告竣

山陰通志五序

四

御製祝文

特命

皇子赴曲阜行禮宜恭紀者四

至若遍行祭告則

遣大臣遠賑朝鮮則通海運鉅典

善政未易殫述也予才愧疎

庸遭逢

聖世由中秘登西臺由學士陟卿  
貳戊寅春

特簡東撫時秦安等二十七州縣  
歲偶不登鳩鵲盈路

陞辭日

面諭馳驛賑濟得以全蘇又  
差員查看二麥情形

山東通志王序

五

皇上軫念民艱宵旰不忘如此以  
致萬姓感戴敬立

萬壽碑亭共六處是年冬遵

旨親歷州縣盤查倉穀每歲嚴行  
稽覈今見貯一百七十一萬

七千八百有奇已卯春二月

恭遇

皇上閱視河工。從水路

南巡。凡被災地方。夙逋槩行蠲免。應完正賦。分作三年帶徵。嘉効力之勤勞。宥從寬而全無。註誤廣生全之。至德頒肆赦。而囹圄空虛。皆出自

浩蕩洪恩。臣民無不感悅。所當敬

山東通志

卷六

編入志以垂不朽。時迎

駕至桑園。

齊顏慰問。一路隨行至黃林莊。蒙

賜御筆淵鑒齋法帖。夏五月

皇上回鑾。至戴家灣。又蒙

賜御書珪璋特達四字。捧接增榮。

敬摹勒上石。建碑於此。